

ОРГАНИЗАЦИОННОЙ НО МАССОВОЙ УЖЕЗ НЫРЫСЬ УДЫСЭ

Ужлэн азинсконэз но ды-
раз быдэсмонэз организа-
цинной но массовой уж'ё-
сыз вис'ятэк нуэм бордын
луэ.

Кылем кёс аре кытын ке
организационной но массо-
вой уж умой пунктэмын вал,
отын умой удалтэм нянь
басьтыны быгатызы. Тито-
во сельсоветысь „Путь
Ильича“ колхозын массо-
вой уж умой пунктэмын вал.
Соин ик соослэн ужзы но
умой мынйз. Туэ аре но
умой пунктэмын. Колхозлэн
председателез Туданов, пар-
торг Ширококов нырысь
ик бригадир'ёсынызы мас-
совой уж сярысь верасько,
бригадир'ёссылы, агитатор-
ёссылы мар ужано, сое ва-
лэкто.

Нош Билиб сельсоветысь
Карл Маркслэн нимыныз
нимам колхозын, „Бадяр-
выр“ но „Югыт сюрес“ кол-
хоз'ёсын массовой уж пук-
тэмын өвёл.

Уно колхоз'ёсын Берман
эшлэсь радиограммазэ уг
тодо. Колхозник'ёс пöлын
проработать карыса, уж-
рад'ёс кутэмын өвёл. Кизён
ужез умой пунктон понна,
нырысь ик массовой ужез
умой организовать кароно
луэ.

Соин ик колхоз'ёсы мы-
ныса юаса-вераса гинэ нош-
коно өвёл, массовой ужез
пуктыны юрттоно. Асьме
районын 109 выль удалтон-
лык понна нюр'ясыкись зве-
ноос организовать каремын.
Уноез соос вунэтэмын, со-
ослы нокичэ юрттэт уг сё-
то. Тулыс кизёнын соослы
бадзым юрттэт сётоно луэ.

Организовать карем зве-
ноос бумага вылын гинэ
медаз лыд'яське, соос пö-
лын организационной но
массовой уж умой пунктэмын
мед луоз.

Кытын ке борд газет уг
поты, газет лыдзон органи-
зовать каремын ке өвёл,
отын печатэльсь рользэ ва-
ламын өвёл шуыны луэ.
Шоканы омыр кызы кулэ
луэ, озы ик ужез умой
пуктыны, массовой но агита-
ционной уж кулэ луэ.

Первичной партийной ор-
ганизациослэн кивалт'ёс-
сылы, райкомлэн но рай-
исполкомлэн уполномочен-
ноёсызлы организационной
но массовой ужез умой
пуктыса, правительствоен
тупатэм дыре кизён кампа-
ниез быдэстон вылысь нюр-
яськоно.

МУКЕТ КУН'ЕСЫН

Мадридэз возмась Комитет ликвидировать каремын

Испанысь правитель-
стволэн пунктэмез'я 24-ти
апрельсен Мадридэз воз-
мась Комитет существо-
вать каремысь дугдйз.

Оборона Комитетэз быд-
тыны, гражданской управ-

ленилэн нормальной фор-
маяз берытскыны луиз соин
гинэ, что али дыре Мад-
ридлэн обороноспособно-
стез азыло сярысь мертаны
луонтэм будйз.

Австриын тайной гитлеровской организации шараямын

Нимысьтыз ивортэмзыя,
политической партия толон
Венаысь австрийской гит-
леровец'ёслэсь централь-
оний бюрозэс шараяз. Бад-
зым лыдын пропагандист-

ской литература но уно
коньдон конфисковать кар-
ремын.

Полиция уно гитлеров-
ской активист'ёсты арес-
товать карыз.

СОВЕТСКОЙ СОЮЗЫН

Колхозной садоводство

Харьков. Колхоз'ёсын но
колхозник'ёслэн усадьба-
осазы тулыс мерттэмын
луоз: умолуос, грушаос,
вишняос но сливаос, вочыз
700 гектар вылэ. Со сяна
1,180 гектар вылэ ягодник'-
ёс мерттэмын луоз. Уноез
колхоз'ёс мерттытконзэс
бытйизы ни.

—*—

Всесоюзной мотоциклетной соревнованиос

24 апреле Москвын
ныль мотоциклетной за-
вод'ёслэн соревнованизы
вал. Каждной заводьсь 5
мотоциклет'ёс 300 киломе-
тыр ортчизы.

Соревнованиын „марка-
лэсь первенствоэз“ Ленин-
градской мотоциклет'ёс ба-
сътйзы. Со берё „за надеж-
ность“ приэз Ижевской
мотоциклет'ёс басътйзы.

Подольской но Таган-
рогской завод'ёслэн мото-
циклет'ёссы Ленинградлэн-
лэсь но Ижлэнлэсь уродэсь.
Со завод'ёсысь мотоцик-
лет'ёс соревнование дыр'я
быдэн кыкыз тйясыкызы.

ДИСЦИПЛИНАЕЗ КУАШКАТО

Кыква сельсоветысь
„Красная заря“ колхозлэн
счетоводэз тулыс ю кизён
нэз жог но умоен ортчы-
тонэ вань колхозник'ёсыз
огазаян интые, 21-ти апре-
ле чорыганы ветйиз. Солэсь
мынэмзэ адзыса, колхозник
ёс но ужысь бертыса, чо-
рыганы кошкызы.

Ужан дисциплинаез кол-
хоз председатель ачиз но
тйяса улэ. Ор'я собрани-
лэн пунктэмез'я колхозник'-
ёсыз уже уг в'я. Кинэ
кытчы ке малпа, отчы ылэ.

СЮЛМАСЬКИСЬ.

ПЕРЕВОЗЧИКОВАЛЫ МАЛПАМЭЭ БЫДЭСТЫНЫ ЮРТТОНО

Кагановичлэн нимыныз нимаа колхозысь Перевозчикова эшлэн зветоез 8 гектар вылысь быдэн 8 центнер етйн мертчан ба сьтон вылысь нюржаськыны кылзэ сётыз. Кызы бен колхоз правление Перевозчиковалы юрттэ? МеЧак верано луэ, но кызы но уг. Юрттэм гинэ өвёл, Перевозчиковалэн уезлы меЧак пумит кариське.

Етйнлэсь выль удалтонлыкэсэ басьтон понна пёртэм удобренности дасяно вал. Нош татын коньдон өвёл шуса, одиг килограмм но минеральной удобренности дасямын өвёл. Тылобурдо кыед октэмын ке но

вал, сое сутизы. Етйнэн кизёно муз'емез кыеданы кёня ке пенё гинэ люкамын, со но тырмыт өвёл.

Колхоз правление котьмар ласянь ик Перевозчиковалы ужаны люкетэ. Тани, басьтом таце примерез: 1937 арлы пыш мертчан сётон планзэ колхоз одиг килограммлы но өз быдэсты. Колхозын пыш вал. Со пышез састыса государстволы сётано шуса, Перевозчикова эш одиг иол гинэ өз вералля. Нош колхоз правление кылэм-адзем өз кары. Перевозчиковалэсь ужасьёссэ оло кыче но второстепенной уже ыс'яса улызы. НИКИТИН.

„КОТ“ ШУСА, ЛУДЭ ОЗ ПОТА НА

Кыква сельсоветысь „Буденный“ колхозын массовой кизён но гырон ортчытыны луоно ни. Нош озы ке но, колхозлэн председателез Баранов Иван гырны но кизыны потэмлэсь меЧак пумит кариськыса, 23 апрелёз лудэ но өз п о т а. Райисполкомлэн

уполномоченноез но сельсовет кизён но гырон котыре кутскыны косо ке, тй асьтэос номыре но удвалаське, нош ужаны люкетиськочы шуса, кесяське. Чабей миськон котыре кутскылэмын өвёл. Вал'ёсты эскерон туж урод пуктэмын. СЕМЕНТИН.

АВЕРКИЕВ ТУЛЫСЛЫ ДАСЯСЬКЫМТЭ

„Вукогурт“ колхозысь 2-ти бригадалэн бригадирез Аверкиев, тулыс ю кизёнэз туж урод дасьлыкэн пумитаз. Солэн бригадаыстыз вал'ёсыз туж уродэсь. Уноез чик ужаны но уг ярало. Нош кудиз ужаны быгатэ, кудиз уг, сое Авер-

киев чик уг тодылы. Соин ик, чем дыр'я ужаны быгатистэм валэн ужаны ыс'я.

Аверкиевлэн бригадаыстыз плуг'ёсыз но уноез гырны уг ярало. Озы ик мукет тйрлык'ёс но уш'ямонэсь ик өвёл.

НИКИТИН.

Кизенэн кивалтон интые, юса уло

Тулысь кизёнэз вакчи дырын но Зечлык ортчтон понна, массовой уез но кивалтонэз кужмо пуктоно вал. Нош куд-куд колхоз'ёсысь кивалтисьёс сое өз валалэ на. Тани, басьтом, М. И. Перевозчикова селкорлэсь гожтэтэс. Со гожтэ:

„Сюрсовой сельсоветысь „Искра“ колхозлэн председателез Калинин кизён вакытэ чем дыр'я дыр'ёссэ юса ортчты'я. 22-тй апреле, одиг сыче юон нуналаз, кизёнэ вис'ям валэз кутыса, лумбыт юса улыз. Сельсоветлэн председателез Се-

менищев эш Калининлэсь юса улэмзэ тодэ ке но, но кыче ужрад'ёс уг кутылы“.

Мукетыз „Адзись“ селькор гожтэ:

„Вортча сельсоветысь „Анган“ колхозлэн учётчикез Бегишев тулыс ю кизёнын масовик луыса ужаны кулэ вал. Нош со 22-тй апреле Чукна ик кутскыса жытозь, массовой уж нуон интые, юса улыз“.

Таце факт'ёс, колхозысь ужан дисциплинаез куашкатон сяна, но кыче умойзэ уз сётэ. Сое колхоз'ёсысь вань кивалтисьёслы умой тодса улоно.

АВЕРКИЕВ УЖЫСЬТЫЗ КУШТЕМЫН

Вортча сельполэн председателез Аверкиев советской вузкаронэз кулэз'я пуктон понна одиг пичи но өз сюлмаськылы. Соин ик сельполэн уез куашкан калэ вуиз. Алигес сельполэн уполномоченнойёсызлэн конференцизы Аверкиевез ужысьтыз куштыса, Чазов Алексеез председателе бырйиз.

ПОЗДЕЕВ.

—*—

25 мае заемлэн тиражез луоз

СССР-ысь Наркомфинлэн пуктэмез'я 25 мае 1937 аре кыкетй пятилеткалэн 4-тй араз потэм заёмлы нырысетй тиражез луэ. Тиражын, кыкетй пятилеткалэн 4-тй араз потэм облигациосты возись мурт'ёс ваньзы участвовать кароно луо. Тираж лугозь, азьвыл ар'ёсы басьтэм облигациосты выль облигациен воштыса сыатоно луо. Озы ик коньдон шыр'ян кассае хранить карыны тыремзэ но вош'яны кулэ, воштымын вуж облигациос тиражын уз шудэ.

Соин ик вань организациосын, сельсовет'ёсын но колхоз'ёсын заёмлы коньдон октонэз зол пуктоно.

Подписказэс тырмытэм подписчик'ёслы коньдон шыр'ян кассаысь облигация басьтыса, киязы сётано.

Ссуда басьтэм облигациослы утэмез но процентэз киязы уг сётиськы, соин ик басьтэм ссудаостэс жогеи погасить кароно луоз.

ЛЕКОНЦЕВ.

—*—

1242 манет но 90 коньы премия

Етйн кидыс, кенэм но пыш мертчан сётон планзэс ятырен быдэстэмзы понна районьсытмы 39 колхоз'ёс Шарканьсы заготконтораен 1242 манет но 90 коньы коньдонэн премировать каремын.

НИКИТИН.

Редактор ЩЕРБАКОВ.